

**GOBIERNO TA ANUNCIA  
ASFALTACION DI  
CAMINDA PA 2025**



**WWW.SOLODIPUEBLO.COM**



**SOLODIPUEBLO@GMAIL.COM**

# **TIN PRECUPACION DEN AVP PA SCREENING DI MINISTERS; HOPI CANDIDATO TIN MANTECA RIBA NAN CABES**

## **UN INCIDENTE LAMENTABEL TA COSTA BIDA UN LOCAL RIBA LAMA**



## **HOMBER GARA CU "PELUCA DI DROGA": TABATIN MAS DI 200 DOSIS DI COCAINA PEGA NA SU CABES**



## **CARGAMENTO GRANDI DI COCAINE Y MARIHUANA RIBA UN BOTO**

Den anochi di Diasabra pa Diadomingo 22 y 23 di februari 2025 Kustwacht a intercepta un cantidad di droga. Ta trata aki di un cargamento grandi di cocaine y marihuana riba un boto.

A detene diferente sospechoso. E investigacion ta andando.

## **ARUBA TOURISM AUTHORITY Y ARUBA PORTS AUTHORITY TA YAMA BONBINI NA EXPLORA II CU E PROME BISHITA INAUGURAL NA ARUBA**





# UN INCIDENTE LAMENTABEL TA COSTA BIDA


## UN LOCAL RIBA LAMA

Awe pa mas o menos 10’or di mainta central di polis ta wordo informa dor di personal di Maritiem cu dos piscado a bay pisca y na unda un di nan a cay den lama.

A informa kustwacht na unda a bay di biaha pa zuid di Barcadera. Eynan a bin topa cu e boto di piscado. E homber riba e boto a informanan cu su amigo

piscado a cay na awa y no ta reacionando. Personal di Kustwacht a haci nan esfuerso pero e persona no tabata duna señal di bida.

A trece e boto como tambe e tripulante y e victima na Mareniers Kazerne. Eynan dr.forensico como tambe polis forensico y slachtoffeehulp tabata wardando riba nan.



Lamentablemente no por a haci nada mas y constata morto di e homber Inocencio Filomeno Matos naci na Aruba 22 juni 1943 (81 año).

Cuerpo Policial ta manda palabra di condolencia y forza na famia di e fayecido.


# ACCIDENTE NA SER’I TEISHI CU 3 AUTO ENVOLVI

## Y HENDE A RESULTA HERIDA




Dialuna mainta a drenta informe di un accidente cu hende herida na Ser’i Teishi, mesora a dirigi tanto polis como ambulans na e sitio. Na yegada di e patruya a bin compronde cu un taxista bayendo pabao a bay dal tras di un Haval cual a bay dal tras di un Kia Rio desvia esaki pa despues e mesun taxi bay dal den dje.

Debi na e impacto e chauffeurnan a resulta herida y na yegada di e ambulans nan a atende e victimanan na e sitio mes. Un rato despues un di e chauffeurnan a sinti malo y



e ambulans mester a bolbe bay na e sitio pa atende atrobe na e sitio mes.





# TIN PRECUPACION DEN AVP PA SCREENING DI MINISTERS; HOPI CANDIDATO TIN MANTECA RIBA NAN CABES

Tin hopi hende den Avp cu ta precupa pa screening di minister. Candidatonan pa minister mes ta kibrando cabes cu e proceso. Desde 2021 cu ley a cambia, candidatonan mester pasa varios test y ta wordo scrutina. Esey mes ta motibo cu Stefany Sievinger kisas no a wordo escogi como candidato pa minister,

mirando cu ta yiu di Benny. Pa loke ta Mike de Meza, tambe tin yen informacion circulando, cu e tin problema. No por descarta e mal maneho den RDA unda a costa 21 milyon florin, cu ta pisa den su contra. Tambe e hecho cu el'a free Citgo 300 milyon florin, laga pais keda sin haya nada y no por

lubida hedging cu a costa nos 300 milyon. Arthur Dowers tambe tin manteca. El'a duna su casa como abogado hopi trabao ora cu e tabata minister. Sumanan mas di 400 mil florin. Pues tin un situacion preocupante den e partido berde, unda algun ta pensa cu hasta Mike Eman lo no pasa screening.

# HOMBER GARA CU "PELUCA DI DROGA": TABATIN MAS DI 200 DOSIS DI COCAINA PEGA NA SU CABES




Autoridad a captura un homber di 40 aña na aeropuerto Rafael Núñez na Cartagena, Colombia cu un "peluca di droga". E homber aki tabatin 19 capsula di cocaína escondí den su peluca y tabata purba di transporta e droga pa Amsterdam, capital di Hulanda.

Despues di un Prueba di Identificacion Preliminar Homologo (PIPH) positivo, e agentenan di Polis Nacional antinarcotico a confisca e substancianan aki y a descubri cu e homber tabatin un total di 400 dosis di cocaína

scondi den su peluca, balora na mas di 10.000 euro. Comandante di Polis Metropolitano di Cartagena, Gelter Yecid Peña Araque, a declara cu e homber a wordu descubri pa un grupo di experto cu a nota algo extraño ora el a pasa door di e scanner di aeropuerto. "Nos ta dunando golpi fuerte contra e structuranan criminal aki cu no solamente ta bringa pa e trafico local di substancia ilegal, pero tambe ta genera diferente acto violento y otro tipo di delito cu ta stroba tranquilidad y convivencia," e polis a bisa.

Awo, e detenido ta den man di Fiscalia General di e Nacion y ta acusa pa cargonan di trafico, fabricacion y posesion



di substancia ilegal, un delito pa cual e tabatin antecedente caba. Segun informe di Nacionnan Uni, produccion di cocaína na Colombia a subi cu 53% den 2023, alcansando

un record historico di 2.600 ton. Colombia t'e productor mas grandi di cocaína na mundo, segun ONU, y den su informe anual, e organisacion a registra e cifra mas halto di plantacion di blachi di coca (253.000 hectar, 10% mas cu na 2022).





Corte di Prome Instancia 27 februari 2025

Horario	Sospechoso	Acto Castigabel
08.30	G.E.d.F.	Ontneming.
09.30	A.L.R.	R. ta wordo acusa di labamento di placa riba 13 di maart 2024.
10.30	K.W.N.W.	N.W. ta wordo acusa di e keda sin meld un suma di placa na frontera riba 12 di februari 2024.
11.00	S.C.E.	E. ta wordo acusa di a menaza un persona cu morto riba 13 di november 2024.
11.30	T.R.R.R.L.	L. ta wordo acusa di importacion di marihuan riba 8 di september 2024 y 17 di augustus 2024.
11.50	R.E.D.	D. ta wordo acusa di exportacion di cocaine riba 26 di juli 2024.
12.00	S.V.G.T.	T. ta wordo acusa di posesion y importacion di cocaine y MDMA den e periodo di 19 di oktober 2024 te 15 di november 2024.
13.30	R.R.W.	W. ta wordo acusa di importacion di marihuana riba 23 di mei 2024.
14.00	B.S.R.	R. ta wordo acusa di a comete violencia riba caminda publico y maltrato cu arma riba 21 di augustus 2022.
15.00	A.R.C.P.	C.P. ta wordo acusa di posesion di un arma di candela hunto cu otro nan den e periodo di 7 pa 28 di november 2023.
15.30	J.C.R.	R. ta wordo acusa di intento di kiebro y ladronia riba 24 di mei 2024.

Corte di Prome Instancia 6 maart 2025

Horario	Sospechoso	Acto Castigabel
08.30	R.C.	C. ta wordo acusa di a maltrata un persona cu un arma riba 17 di februari 2024, dor di dal e varios biaha cu un halado na su cabez y curpa.
09.30	E.M.D.	D. ta wordo acusa di ladronia di un telefon riba 10 di april 2024.

09.45	N.D.	D. ta wordo acusa di a intencionalmente maltrata su pareha riba 5 di augustus 2024, dor di dal e varios biaha na su cabez, cara y curpa. E ta wordo acusa di a intencionalmente maltrata e mes persona aki riba 26 di juni 2024 cu un arma, dor di dal e varios biaha cu un boter na su cabez.
10.20	J.A.L.A.	L.A. ta wordo acusa di a maltrata un persona riba 18 di maart 2024, dor di tene den un yabi di strangulacion y dor di gare di patras y choke.
11.00	H.A.L.	L. ta wordo acusa di a menaza un persona cu morto na oktober 2024.
11.30	G.E.T.	T. ta wordo acusa di posesion di un arma di candela den e periodo di 29 di april 2021 te 7 di juli 2021.
11.50	J.W.	W. ta wordo acusa di a causa un accidente di trafico riba 24 di december 2024 na haltura di Bo Wah y di a sigui core.
13.30	L.E.V.	V. ta wordo acusa di a ladronia y heling entre 27 y 29 juli 2023.
14.10	J.N.P.S.	P.S. ta wordo acusa di destruccion di un backshield riba 24 di januari 2024.
14.35	M.S.W.	W. ta wordo acusa di ladronia den un tienda den e periodo di prome di juni 2023 pa 13 di septmber 2023, mientras e tabata traha ey.
15.10	T.M.F.T.	T. ta wordo acusa di hefboom di un hotel riba 7 di oktober 2023.

Corte di Prome Instancia 7 maart 2025

Horario	Sospechoso	Acto Castigabel
08.30	G.A.J.Z.R.	Z.R. ta wordo acusa di asesinato riba 3 di juli 2024.
11.00	T.D.S. J.A.R.A.	D.S. y R.A. ta wordo acusa di importacion di marihuana y cocaine riba 9 di juli 2024.

**Clasificados**

**SOLO Di Pueblo**  
SOLODIPUEBLO@GMAIL.COM  
CEL. 585 9500



# DECLARACION DI DVG ENCUESTRO BARCO CRUCERO MS EURODAM

ARUBA- 25.02.2025. Departamento di Salud Publico a tuma nota di un publicacion riba media social encuanto e barco crucero MS Eurodam, caminda ta insinua cu na Aruba ta permiti malesa drenta via barco crucero mientras cu otro isla si no ta permiti esaki.

Ta importante pa keda informa comunidad cu DVG ta encarga cu e monitoreo di malesanan infeccioso cu tin abordo di tur crucero cu drenta Aruba. Esaki ta sosode por medio di e asina yama “Maritime Declaration of Health (MDH)” cu tur barco crucero ta obliga di entrega na DVG prome cu drenta e puerto di Aruba. A base di analisis di e informacion ricibi pa medio di e MDH di 72 ora-48 ora-24 ora, diadomingo

anochi (prome cu e barco a drenta Aruba dialuna mainta) un email a wordo manda pa e operador di e crucero y su persona na su turno a manda esaki pa e dokter responsabel riba e barco, bisando lo siguiente: “Aunque ta mira un disminucion den e casonan di gastroenteritis agudo (AGE), e limite permiti di 3% di AGE bou di pasajero a wordo surpasa, indicando un brote di AGE abordo. A pesar cu DVG ta informa cu e personanan afecta ta sigui den isolacion. Pa garantiza salud y seguridad di esnan abordo y pa nos isla, mester sigui estrictamente e siguiente medida nan sanitario”:

- E personanan malo mester keda riba e crucero y sigui e protocol nan di isolacion te ora e dokter dicidi otro.



- Aunquemedidanan sanitario a wordo eleva, mester pone extra atencion y cumplimiento estricto cu tur medida nan di higiena. Tambe di e crucero mes nan a informa nos cu nan a subi nan medida nan di higiene di nivel 2 pa nivel 3. DVG a duna conseho y recomendacionnan valido na e barco pa asina nan por contene e brote

di Norovirus a bordo. Norovirus ta ocasiona diarea, sacamento y dolor di bariga cerca e persona afecta y ta un virus cu regularmente ta ser detecta of ta presente riba barconan crucero.

E sistema di vigilancia/ monitoreo cu DVG ta sigi ta forma parti di un programa regional Caribbean Vessels Surveillance System di

Caribbean Public Health Agency (CARPHA).

Pa mas informacion like nos Facebook page Directie Volksgezondheid DVG Aruba, Follow nos riba Instagram directie\_volksgezondheid\_aruba, subi nos website [www.dvg.aw](http://www.dvg.aw), yama nos na 5224200 of mail nos na [servicio@dvg.aw](mailto:servicio@dvg.aw)

## EMBAHADORA DI PERU A BISHITA MINISTER THIJSSEN

Den Haag – Embahadora di Peru pa Reino Hulandes Franca Lorella Deza Ferreccio a haci un bishita di cortesía na Minister Plenipotenciario demisionario mr. Ady Thijsen.

Un tema importante cu a bin padilanti den e combersacion ta cu aña 2025 ta un aña hopi especial, mirando cu Peru y Hulanda ta celebra 200 aña di relacion diplomatico.

Pa loke ta toca e relacion entre Peru y Aruba a papia riba posibilidadnan di cooperacion entre ambos pais. Lo mester

sondea riba cual tereno por traha hunto.

Embahadora Franca Lorella Deza Ferreccio a ocupa diferente funcion na e ministerio di Asuntonan Exterior di Peru, despues di a caba su estudio den derecho internacional na Ruprecht Karls Universidad na Heidelberg, Alemania y a sigi estudio diplomatico na Academia Diplomatico del Peru.

Su carera diplomatico a cuminsa como tercer secretario na e embahada di Peru na Portugal y



despues señora Franca Lorella Deza Ferreccio a traha na embahada di Peru na Francia, Chili y España.




# TRUCK A PASA RANCA WAYANAN DI CABLETV CU TA COLGA MASHA ABAO



Diamars mainta tempran a drenta informe di cu un truck a pasa ranca waya di CableTV na Bubali, mesora a dirigi un patruya na e sitio.

Na yegada di e patruya a bin nota claramente cu e waya aki ta asina abao cu cualkier truck por pasa ranca esaki ademas a haya e truck eynan ainda pa atende cu e suseso aki.

Na hopi otro caminda por nota cu e wayanan di cable aki ta colga mas abao cu normal y mester revisa y hisa nan mas halto.



# CHAUFFEUR DI UN KIA SONET NO A REGULA SU VELOCIDAD NI A MANTENE DISTANCIA A BAY DAL TRAS DI SUZUKI SPRESSO



Dialuna atardi a drenta informe di un accidente cu hende herida dilanti Mundo Nobo na Santa Cruz, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di e chauffeur di un Kia Sonet no a regula su velocidad ni a mantene distancia a bay dal tras di

Suzuki Spresso. Debi na e impacto e chauffeur di e Suzuki a sinti dolor y a pidi un ambulans na e sitio. Na yegada di e ambulans nan a atende e victima na e sitio mes.



# GOBIERNO TA ANUNCIA ASFALTACION DI CAMINDA PA 2025

Lijst asfaltwegen begroting 2024

Planning - onderhoud asfaltwegen (Afl. 14.370.231,60):



Lokatie	District	lengte (m)	Totaal M&M kosten (afl)
Avenida Nelson C. Oduber (Sasaké) Rotonde Palm Beach - Rotonde Super Food West	Noord	2000	1,029,954.76
Avenida Nelson C. Oduber (Sasaké) Rotonde Palm Beach - Rotonde Super Food East	Noord	2000	1,029,954.76
Avenida Nelson C. Oduber - Bushalte Mariot - Y splitting Mr. Donalds	Noord	1000	451,380.33
High Rise Hotel Fase 2	Noord	1400	631,381.26
Rioa Street - Avenida Mito Oros 100	Oranjestad	300	238,522.19
Rooi Afo (DAM)	Paradera	120	906,000.00
Rotonde Paradera - Rotonde Piedra Hat (h.v. Bright Bakery)	Paradera	1700	967,954.52
Rotonde Piedra Hat (Bright Bakery) (Ringweg 4)	Paradera	1500	676,381.50
Piedra Hat 121 (h.v. Weng Koo) (Ringweg 4)	Santa Cruz	1000	451,380.33
Kruising Nandi Riem richting Labado 1 Franse Pas	Ros Chikito	1600	618,524.05
Franse Pas Labado 1 naar Labado 2	Ros Chikito	230	96,092.75
Duiker 2 Franse Pas - Sabana Basora 25	Ros Chikito	650	252,093.58
Barcadera DTI- Web	Barcadera	1350	522,094.98
Barcadera (h.v. Anugas naar Dump)	Barcadera	1350	522,094.98
Saint Catherinestraat 31-69 (Sanicolaas)	San Nicolaas	600	232,807.77
Mgr. M. Nieuwstraat 4-45 (Sanicolaas)	San Nicolaas	730	244,806.11
Mgr. P. Vennetstraat 1-49 (Sanicolaas)	San Nicolaas	410	159,521.68
Vullstraat 25-19 (Sanicolaas)	San Nicolaas	120	47,663.95
Mauritstraat	San Nicolaas	175	68,878.35
L.G. Smith Blvd 152 (Kong Hing) - Turbo rotonde Wendy's	Oranjestad	700	360,428.72
Oranjestad - Rotonde Plaza Cultural	Oranjestad	1300	668,186.48
Ermerstraat @ Xavier University- Prof. Lorentstraat	Oranjestad	725	327,629.69
Ermerstraat	Oranjestad	400	181,378.93
Ermerstraat	Oranjestad	400	181,378.93
Kloofstraat - Rijkstraat - Schoolstraat - Oranjestad	Oranjestad	400	181,378.93
Oranjestad - Steenweg tot Ooststraat (B. B. B. B.)	Oranjestad	750	338,879.75
Rotonde Elmar Ostad - Wilhelminastraat / T-weg Columbestraat	Oranjestad	200	117,092.89
Wilhelminastraat - Ooststraat tot Kaperneeststraat	Oranjestad	600	348,522.66
Wilhelminastraat - Havenstraat	Oranjestad	220	128,664.37
Rotonde Palm Beach - Rotonde MPA Noord	Noord	1400	468,226.42
Koer Soeria 12 - 7 Rooi Prich (Vai Fat Supermarket)	Paradera	1600	927,097.08
Macuarima 57 - Macuarima 2 (88 Foodstore) RIVA	Santa Cruz	250	113,878.58
Drive Inn - Jan Remming 2 (RW4)	Santa Cruz	1500	676,381.50
Sint Christoffelkerweg - V01 - Sero Colorado	San Nicolaas	1500	579,952.43
Sero Colorado @VPR - Sero Colorado / 10th Avenue	San Nicolaas	900	348,522.66
Sero Colorado / 10th Avenue - 1st Avenue (Rinal)	San Nicolaas	900	348,522.66
			31,786.00
			14,370,231.60

Lijst asfaltwegen begroting 2022

► Pending - zandwegen (Afl. 450.231,12):

► trace Alto Vista 132 - Kudawecha 5



Lijst asfaltwegen begroting 2023

► Pending - zandwegen (Afl. 2.437.424,95):

► Shiribana 8A - 10 - 22

► Shiribana 16B - 28 - 65

► Sero Preto 26B - Weg Sero Blanco 29A

► Tanki Leendert 155 - 199A

► Tanki Leendert 100 - 76 - 72E - 76M

► Ayo fase 2 (9F-8C)

► Savaneta fase 2 (107A-95)

► Toegang Secrets hotel



Lijst asfaltwegen begroting 2024

Planning - zandwegen (Afl. 2.712.128,95):

► Opal fase 1 (Opal 83-91-97-13-28-9-7-4)

► Opal fase 2 (Opal 76-87-61-49-53-44-41A-48)

► Ruby (Ruby 53-21-19-25 en Rooi santo 25B-27M-27K-27E)

► Sabana Basora fase 1 (Sabana Basora 11G-11X-120A-120I-120D 114A-142-146-49K-121-129-155-154P-130T-130D)

► Savaneta 397 - 401 - 409

► Savaneta 339 - 451 - 341

► Sero Alejandro 19 - Rooi Kochi 12C - Savaneta 387M

► Papilon 1 - 2 - 5 - 10C - 49

► Pos Chikito 69 - 75 - 79 - 101D



Durante un conferencia di prensa, Gobierno a duna mas claridad tocante e plan pa asphaltacion di caminda pa e aña 2025. Esaki ta sigui un plan estructural pa mehora infraestructura vial di Aruba. Diferente area lo wordo asfaltá, usando e fondonan di aña

anterior y di 2025. Pa e fondonan di 2022 y 2023, algun di e trabou ya ta na ejecucion of ta den su fase final. Esaki ta inclui area manera Alto Vista – Kudawecha, divers caminda den Shiribana, Tanki Leendert, Ayo, Savaneta y e entrada di Secrets

Hotel. Pa e fondo di 2024, lo tabata e turno di Opal, Ruby, Sabana Basora, Savaneta, Sero Alejandro, Papilon y Pos Chikito, entre otro. E asphaltacion di 2025 ta agregando mas caminda na e lista, pa contiua

e mehoracion di infraestructura. Gobierno a enfatisa cu ora e trabou tin un fecha exacto pa inicia, lo duna mas informacion. Esaki ta parte di un esfuerzo pa mehora movilidad y confort di ciudadano y visitante.

## NA FUERTE A BIN HAYA UN HOMBER BENTA RIBA VLOER Y NO TABATA REACCIONA VERBALMENTE

Dialuna madruga a drenta informe di cu un persona ta benta riba vloer y no ta reacciona verbalmente na un adres na Fuerte, mesora a dirigi un ambulans na e sitio. Na yegada di e ambulans nan a lanta e victima y a atende y a transporte pa hospital.





# ARUBA BANK TA SIGUI CELEBRA 100 AÑA CU SU EMPLEADONAN DURANTE UN FIESTA DI CARNAVAL



Oranjestad, 25 di februari 2025 – Como parti di e festividadnan pa conmemora 100 aña di Aruba Bank, Aruba Bank a organiza un evento special pa nan empleadonan, durante un "Carnaval

Night". E celebracion aki tabata un oportunidad pa e coleganan disfruta di un anochi yena di alegria, creatividad y entretenimiento. A organiza un competencia



di decoracion di mascarada di e logo di 100 aña, caminda tur e coleganan por a expresa nan creatividad. E mascaradanan tabata un refleho di color y e ambiente vibrante di nos cultura carnalesco.

Cu un presentacion espectacular di e banda Tsunami hunto cu e talentoso Soca King Rasta a trese un show inolvidabel cu ritmo di Soca y alegria di Carnaval animando e



anochi. Aruba Bank ta gradici tur empleadonan cu tabata presente y cu a contribui pa e evento aki bira un

exito. Nos ta sigui celebra e 100 aña di Aruba Bank, un siglo di confianza, cresemento y compromiso cu nos comunidad y empleadonan.

## POLIS A BAY ATENDE UN ACCIDENTE HIT & RUN DEN SEMELEERSTRAAT

Dialuna merdia a drenta informe di un accidente na Semeleerstraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run unda un auto shinishi a bini cu velocidad dal e auto di direccion contrario y sigui core bay. Segun e vecindario ta un auto cu ta pertenece eybanda mes den e bario.





# ARUBA TOURISM AUTHORITY Y ARUBA PORTS AUTHORITY TA YAMA BONBINI NA EXPLORA II CU E PROME BISHITA INAUGURAL NA ARUBA

## ‘Un barco crucero di luho di mas nobo den e linea di MSC Cruises’ Explora Journeys’



Pa conmemora yegada di e barco prestigioso cu a yega na Aruba riba 23 di februari 2025 como parti di su ruta den Caribe, a cumpli cu e ceremonia tradicional den presencia di representante di Aruba Tourism Authority (A.T.A.), Aruba Ports Authority (APA), y representante di Maduro & Sons. E ceremonia tradicional a tuma lugar cu un intercambio di plakaat abordo di e barco crucero, simbolizando e bonbini caluroso di Aruba na capitan Sebastiano

Chrisam y na su tripulacion y huespednan abordo.

Como un yamada inaugural tradicional a celebra e prome bishita di Explora II cu un saludo di awa espectacular na e isla. Na yegada, Capitan Chrisam a expresa su gratitud pa e hospitalidad di Aruba, destacando riba e bunita experiencia y ceremonia ricibi.

Un Nivel Nobo den Crucero Luhoso  
Como parti di Explora

Journeys di MSC Cruises, Explora II ta representa e nivel di mas halto den luho riba laman. Diseña pa huespednan cu ta busca biahenan intimo pero fascinante. Un barco por acomoda 615 huesped y tin un ratio impresionante di un miembro di tripulacion pa cada huesped, cu un total di 625 tripulante abordo. Esaki ta garantiza un nivel exclusivo di servicio personalisa y atencion detaya.

Explora II ta ofrece acomodacion di clase mundial cu ta inclui:

- Acomodacion luhoso den cada suite cu ta consisti di un bista riba laman y un terasa priva
- Excelencia gastronómico cu diferente restaurant di nivel halto cu cushina internacional
- Servicio di bienestar y spa, cu experiencianan holístico pa relajacion total
- Programanan cu experiencianan cultural, gastronómico y di bienestar exclusivo
- Iniciativanan sostenibel, cu tecnologia avansa pa reduci emision y mehora eficiencia

Aruba su compromiso pa un Turismo di Crucero di Balor Halto y Impacto Abou ta continua na atrae lineanan di crucero



cu ta representa e meta aki. Como muestra di preferencia na calidad riba cantidad pa logra un balans ideal entre benefician economico y sostenibilidad ambiental. E bishita di Explora II ta brasa e vision aki, mirando cu e barco crucero luhoso ta atrae huespednan cu ta desea experiencianan autentico y di nivel halto, mientras ta practica turismo responsabel.

Esaki ta e di segundo barco

di Explora Journeys cu ta bishita Aruba, despues di e bishita exitoso di Explora I. Ta muestra di e posicion di Aruba como un destinacion di luho den Caribe.

Cu hospitalidad di clase mundial y su compromiso excelente, Aruba ta anticipa cu mas lineanan di crucero distingui cu ta comparti e vision pa turismo sostenibel y di calidad.



Danki na e bon maneho financiero di Gabinete Wever-Croes:

## DOW TIN FONDO DISPONIBEL PA POR CUMINSA CU E TRABOUNAN PA LOKE TA E CARETERANAN DI ARUBA



ORANJESTAD - Durante

conferencia di prensa di Gobierno di Aruba, Prome Minister Evelyn Wever-Croes hunto cu DOW, a elabora riba e topico di infraestructura y Aruba su careteranan.

Prome Minister a indica cu lamentablemente debi na e pandemia na 2020, tur fondo cu tabata tin aloca pa mantencion y asfalta e careteranan mester a wordo realoca pa salba bida di hende y

pa atende cu e retonan cu e pandemia y e crisis economico a trece cune.


Danki na e bon maneho financiero di Gabinete Wever-Croes II, DOW awe tin un fondo acumula te cu aña 2024 di 18 miyon florin pa por ehecuta e plannan cu tabata tin caba te cu 2024. Aparte di esaki den e proyeccionnan financiero multi anual, Gobierno a tene cuenta cu tur aña por aloca por

lo menos 18 miyon florin pa por sigui inverti den e careteranan di Aruba.

Cu e placa cu tin destina pa 2025, ya caba por logra haci hopi, pero mirando con hopi trabou tin, lo dura añas pa por keda cla.

Sinembargo Gabinete Wever-Croes a pone e fundeshi y cu esaki DOW lo por cuminsa cu e trabounan pa cu e careteranan di Aruba.

## LA UNION EUROPEA TA OFRESÉ UN UCRANIA PA YUDA CUMPRÁ GAS I INTEGRASHON DI MERCADO ELÉKTRIKO TUR EUROPEO



La Union Europea (UE) a risibí e lunanan aki na Ucrania pa yuda cumpra gas natural, energia renobabel impulsar i akoplar na mercado eléktriko i comunitario totalmente pa cuminsamento di

2027 pa haña garantia di seguridat energétiko di e atake frente di Rusia.

«E infraestructura energétiko sivil di Ucrania tabata e ophetivo di e infraestructura energétiko di e último tres añanan, como e

infraestructura energétiko di destrukshon. Solamente un sistema energétiko totalmente independiente por protehá un Ucrania di e realidatnan aktua i su preshon den futuro», dijo den un komunikashon di e institushon.

### Paga bo cuenta online ta facil



Pa hasi pago online pone number y adres na  
cuenta di banco RBC Sunmax Printing  
account # 7700000100152447



# ARUBA TAEKWONDO BOND (ARTBO) TA FELICITA E STUDIAntenan cu a pasa nan kukkiwon black belt



Promotion Test na November. Cuater estudiante di Chaco Taekwondo Academy y Estrella Taekwondo Center a ricibi nan certificadonan di Black Belt/Poom. Nos ta orguyoso di Sebastian Pulgarin (2nd

Dan), Nicole Tromp (2nd Dan), Sophia Roos (1st Dan) y Amylee Melo (2nd Poom). Un danki na Grand Master Melvin Rasmijn, Master Yoshmar Wever, Master Miguel Genser y Master Norberto Tromp pa nan supervisi3n, preparacion y guia pa cu logro aki

**Clasificados**

**SOLODIPUEBLO@GMAIL.COM**  
**CEL. 585 9500**



# PUBLICACION DI ORGANISACION DI NACIONNAN UNI (ONU) PA DIA INTERNACIONAL DI LENGUA MATERNO 2025 (TRADUCI DI INGLES PA RAMON TODD DANDARÉ MAG. LING.)

Tema 2025: Celebracion di 25 aña di Dia Internacional di Lengua Materno

Lengua ta esencial pa enseñansa y desaroyo sostenibel, pasobra lengua ta e medio principal di traspaso di conocimiento y preservacion di cultura. Cu mas o menos 8.324 lengua na mundo awendia, hopi ta core e riesgo di desaparece debi na globalisacion y transformacion social. Garantisa cu e sistemanan di enseñansa ta respeta e derecho di siña den e lengua materno ta crucial pa mehora e resultadonan di siñamento, ya cu e studiantenan, ora cu nan siña den un lengua cu nan ta compronde totalmente, ta muestra miho habilidad di comprendemento, di compromiso y di pensamiento critico. Enseñansa multilingual, particularmente den e lenganan minoritario y indigena, no solamente ta yuda e alumnonan, sino tambe ta fomenta un conexion mas profundo entre enseñansa y cultura, contribuyendo asina na existencia di sociedadnan mas inclusivo y ekitativo.

E di 25 aniversario di Dia Internacional di Lengua Materno ta marca un cuart siglo di esfuerzo pa preserva diversidad linguistico y promove lenga materno. E hecho memorabel aki ta enfatisa e importancia di preservacion di lenga pa salvaguardia patrimonio cultural, mehora enseñansa y fomenta sociedadnan mas pacifico.

Dia Internacional di Lengua Materno, proclama prome pa UNESCO y adopta despues pa Asamblea

General di Nacionnan Uni, ta subraya e papel di lengua den promocion di inclusion y den realisacion di e Metanan di Desaroyo Sostenibel (SDG). Enseñansa multilingual no solamente ta promove sociedad inclusivo, sino tambe ta yuda na preserva e lenganan no dominante, minoritario y indigena. E ta un piedra angular pa logra acceso ekitativo na enseñansa y na oportunidad di siñamento pa bida largo pa tur hende.

Salvaguardia diversidad linguistico

Lengua, cu tur su implicacionnan compleho pa identidad, comunicacion, integracion social, enseñansa y desaroyo, tin un importancia strategico pa hende y pa nos planeta tera. Sin embargo, debi na e procesonan di globalisacion, cada bes e lenganan ta mas menasa of, hasta, nan ta desaparece por completo. Ora cu lengua desaparece poco poco, mescos tambe e tapijt rico di diversidad cultural di mundo ta desaparece poco poco. Oportunidad, tradicion, memoria, forman un unico di pensamiento y expresion -recursonan valioso pa garantisa un miho futuro- tambe ta bay perdi.

Cada dos siman un lengua ta desaparece hibando cu ne henter un patrimonio cultural y intelectual. UNESCO ta calcula cu tin 8.324 lengua na mundo, tanto papia como di seña; di nan ta uza ainda mas o menos 7.000 lengua. Solamente algun centenar di lengua realmente a haya nan luga den e sistemanan di enseñansa y den dominio publico, y

ta uza menos di shen lengua den mundo digital. E sociedadnan multilingual y multicultural ta existi danki na nan lenganan, cu ta transmiti y ta preserva conocimiento y cultura tradicional na un forma sostenibel. Cada aña ta celebra Dia Internacional di Lengua Materno pa promove diversidad linguistico y cultural, y multilingualismo.

Loke a pasa prome Conferencia General di Organizacion di Nacionnan Uni pa Enseñansa, Ciencia y Cultura (UNESCO) a proclama Dia Internacional di Lengua Materno na november 1999. E idea pa celebra Dia Internacional di Lengua Materno tabata un iniciativa di Bangladesh. Asamblea General di Nacionnan Uni a aproba proclamacion di e dia ey

den su resolucion di 2002. Dia 16 di mei 2007 Asamblea General di Nacionnan Uni den su resolucion A/RES/61/266 a haci un apelacion na e Estadonan Miembro "pa promove preservacion y proteccion di tur lengua uza pa e pueblonan di mundo". Den e mesun resolucion Asamblea General a proclama 2008 como Aña Internacional di Lengua, pa promove union den diversidad y comprension internacional pa medio di multilingualismo y multiculturalismo, y a designa UNESCO como e organismo coordinador di e actividadnan di e Aña ey. Awendia tin un consensi creciente cu lengua ta hunga un papel di vital importancia den desaroyo, den garantisacion di diversidad cultural y dialogo intercultural, pero tambe den fortalecimiento

di cooperacion y den realisacion di un enseñansa di calidad pa tur hende, den construccion di sociedadnan di conocimiento inclusivo y preservacion di patrimonio cultural, y den mobilisacion di boluntad politico pa aplica e beneficianan di ciencia y tecnologia riba desaroyo sostenibel.

En conexion cu Celebracion di Dia Internacional di Lengua Materno 2025, tur hende ta keda invita na e di dos parti di e charla "Evolucion y Emancipacion di Papiamento" door di Ramon Todd Dandaré Mag. Ling. na Biblioteca Nacional Aruba diaranson dia 26 di februari 2025 pa 5:30 or di atardi, ora cu porta habri. E charla mes ta cuminsa 6:00 or en punto di atardi!

## Paga bo cuenta online ta facil

Sea  
Abonnement  
of Aviso



Pa hasi pago online pone number y adres na  
cuenta di banco RBC Sunmax Printing  
account # 7700000100152447



# EMPLEADO DI HOTEL A CAY Y A FRACTURA SU PIA

Dialuna mainta a drenta informe di cu un empleado a cay na Marriott Courtyard, mesora a dirigi un ambulans na e sitio. Na yegada di e ambulans a bin compronde cu aki ta

trata di un empleado den su 50 añanan ey lo a cay y a fractura su pia. E personal di ambulans a atende y a transporte pa hospital.



## HOTLINE

**744-0444**  
**CAPT'E Y MAND'E**

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Resultado: Sorteo di Merdia - February 25, 2025			
	Sorteo # 4548		Sorteo #
0887		0 x Jackpot	Joker Letter
7231		0 x Match 4+	Proximo Jackpot
2798		0 x Match 4	140.000,-
	X2	0 x Afl. 12,00	
Sorteo # 4548			Sorteo #
0503		0 x Jackpot	Proximo Jackpot
	X3	0 x Match 4	55.000,-
		0 x Afl. 8,00	
Sorteo # 2604			
5593			Sorteo #
		0 x Jackpot	Mega Ball
Sorteo # 4548		0 x match 4	Proximo Jackpot
2140		0 x Afl. 500,00	2.450.000,-
Leo		0 x Afl. 50,00	
		0 x Afl. 15,00	
Sorteo # 1422			Afl. 3.750.000,-
900			
		Sorteo #	
X3			

### Gradicimento & Invitacion

Cu inmenso amor y gratitud den nos curason,  
famia Croes ta gradici tur esnan cu di un manera of otro a duna nos  
sosten, consuelo y forsa prome y durante entiero di nos defunto stima:

### Elisabeth C. Croes-Croes

Mihor conoci como: El, Elsie, Juffrouw Elsie, Juffrouw Croes

Un danki na tur cu a compaña nos y a aporta na un bunita despedida di nos defunto, specialmente na famia completo y e ekipo di "ICU" di HOH. Pa tur yamada, areglo di flor, donacion haci na e instancianan concerni y tur mensahe via rednan social.

Un danki di curason na Pastoor Jairo pa su bunita palabranan durante Respons, na tur cu a contribui na misa y na Aurora Funeral Home pa e bon servicio y atencion.

Lo tin tres Santo Sacrificio di misa pa descanso di alma di nos defunto stima:

- Diamars 25 di februari 2025 pa 7:00 pm na Misa Inmaculada Concepcion, Santa Cruz
- Diahuebs 27 di februari 2025 pa 7:00 pm na Misa Inmaculada Concepcion, Santa Cruz

Boso presencia ta altamente aprecia.



# The OG's a gana Quiz Cultural di New India Assurance



Total di cinco team a participa na e quiz cultural 2025 di New India Assurance. E weganan tawata Aruba su fauna, Aruba su paisahenan, E caha magico, Berdad of Falso y Aruba su luganan interesante y mapa. E presentadornan tawata e maestronan Addonsito Croes y Thyara Doornkamp. E teamnan cu a participa tawata The OG's, Bin Bon, Soca, Team Bright y Soca Licious. E participante mas anima tawata Omaira y MVP a resulta Tatjuska. Cu un total di 32 punto, The OG'S a gana

e quiz. Di dos lugar, cu 29 punto tawata e grupo SOCA.

**Clasificados**

**SOLODIPUEBLO@GMAIL.COM**  
**CEL.585 9500**





# Cft: “Aumento di ingresonan ta necesario”

Philipsburg – Sint Maarten mester priorisa aumento di e ingresonan. Colegio di supervision financiero Corsou y Sint Maarten (Cft) a insisti riba esey den combersacionnan cu recientemente a hiba cu Gobierno di Sint Maarten. Sin reformanan, den e añanan venidero, e pais lo no tin suficiente recurso pa gastonan publico y inversionnan importante.



Cft tin bastante tempo ta expresa su preocupacionnan tocante di e hecho cu e ingresonan di Sint Maarten no ta alcanza e nivel anticipa. E carga fiscal colectivo ta 27 por ciento, loke compara cu Aruba, Corsou y Hulanda – caminda tin carga fiscal promedio di 40 por ciento – ta abao. E sistema di impuesto di Sint Maarten ta anticua y e Servicio di Impuesto tin problema di implementacion. Debi na esaki, e pais ta perde ingresonan substancial. Banda di esaki, Fondo Monetario Internacional ta anticipa deficitnan cerca Uitvoeringsorgaan Sociale en Ziektekosten Verzekeringen (SZV) na 2027 den caso cu no ta modifica maneho. Sin reformanan, Cft ta anticipa deficitnan structural riba e presupuesto di Sint Maarten.

Reformanan Recientemente a inicia un trayecto di reforma pa Servicio di Impuesto. Esaki ta un paso den bon direccion. Den e contexto aki, ta importante pa Servicio di Impuesto traha di manera mas integral pa loke ta trata implementacion. Banda di esey, tin mas opcion pa Sint Maarten aumenta e ingresonan, manera e introduccion di un impuesto riba turismo, enfoke riba e cobro di e impuesto riba alohamento y e introduccion di un seguro medico general. E hecho cu un instancia so ta cobra impuesto y prima ta conduci na un cobro mas eficiente y mas

ingreso. Servicio di Impuesto por haci mas control pa medio di colaboracion cu Audit Team Sint Maarten. Cft ta urgi pa implementa e plannan aki mas pronto posibel pa asina genera mas ingresonan y realisa surplusnan riba e presupuesto. Di e manera aki, Sint Maarten por mehora e posicion di likides y haci gastonan publico y inversionnan importante.

### Presupuesto pa 2025 y 2026

A pesar cu a entrega e proyecto presupuestario pa 2025 na tempo, Sint Maarten atrobe no a logra pa conclui e proceso presupuestario prome cu cuminsamento di año. Pa e periodo 2025–2028, e pais ta anticipa surplusnan. Den e marco aki ta supone cu na 2026 lo introduci un impuesto riba turismo. E medida aki lo conduci na ingresonan adicional, sin embargo, ainda no a conclui e trayecto legislativo. P'esey, Cft ta considera cu e surplusnan anticipa no ta sigur. E deficitnan persistente cerca e fondonan di cuido tambe ta un riesgo pa e presupuesto nacional.

Actualmente, Sint Maarten ta trahando riba e presupuesto pa 2026. Cft ta urgi e pais pa haci tur esfuerzo pa stipula e presupuesto prome cu año nobo ta cuminsa, pa prome biaha desde 2010. Di e manera aki, e pais por duna un paso importante den e mehoracion di finanzas gubernamental.

# SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			



# FORTALEZA PA FAMILIA

Scirbi pa Pastor Marcel Balootje.

## E PRESENCIA DI BERDAD DI DIOS , TA CORE CU MENTIRA

Cristo Hesus a bisa: Cielo y tera lo pasa ma Mi, palabranan lo no pasa. ( Lucas 21:33).

Aunke con duro mentira core , e berdad di Dios lo alcance,y ta tristo, pa hende sigi ninga, pasobra aunke tin hopi cu ta sostene mentira toch un simpel berdad ta basha tur cos abao.

Mirando con scuridad ta avansa riba e mundo aki, con e hende ta trose e berdad, pa nan por hanja nan kier, ta tempo pa tur hende realisa cu mentira por parce bunita, pero na final solamente lo bini tristesa y caida.Pasobra mentira nunca lo triunfa.

Dios no kier pa ningun hende bay perdi, pero pa tur hende yega na e conocimiento di e Berdad, pero di otro banda e enemigo cu ta satanas, tin hopi hende su mente yena cu scuridad pa nan no scucha, tende of mira e berdad di Dios.

Cultura nunca por pasa riba e berdad di Dios, mester tene masha cuidao ta ken ta wordo adora ora nos ta papia di cultura, pa cultura no hiba nos den scuridad, y bira idolatria.

No laga nos haci manera e pueblo cu a bay adora e bishe di oro, ora Moises a tarda

riba sero di Sinai, y eynan tur sorto di bagamunderia y pica a tuma lugar y te cu awe e cos ey no a cambia.

Pasobra pa adora Dios , hende no tin mester di bebe burachi, baila sunu, disfrasa den perversidad y inmoralidad, y kere cu asina ta bunita, y ta agrada Dios, absolutamente, esey no ta e boluntad di Dios, esey no ta haci Dios contento.

Romanonan 12:1-2 ta bisa:Pesey mi ta roga

boso,rumannan pa medio di e misericordianan di Dios, pa presenta boso curpanan como sacrificio bibo y santo,aceptabel pa Dios, cual ta boso sirbishi spiritual di adoracion. Y no sea conforme e mundo aki,ma sea transforma pa medio di e renobamento di boso mente, pa boso por compronde kico ta e bon y agradabel y perfecto boluntad di Dios.

Acaso boso no sa cu boso curpa ta tempel di Dios y cu e spirito di Dios ta biba den dj'E. Si un hende destrui e tempel di Dios, Dios lo destrui e. Pasobra e tempel di Dios ta santo, y esey ta loke boso ta.( 1 Corintionan 3;16).

Huy for di inmoralidad. Tur otro pica cu un hende comete ta pafor di e curpa, ma e hende immoral ta peka contra su mes curpa. Of boso no sa cu boso curpa ta e tempel di Spirito Santo. Kende boso tin den boso,y cu boso no ta pertenece na boso mes. Pasobra boso a wordo cumpra pa un preis:

pesey giorica Dios den boso curpa.( 1 Corintionan 6:18-20).

Pasobra esaki ta e boluntad di Dios, boso santificacion, esta pa boso abstene boso di inmoralidad sexual.Pa cada un di boso sa con pa tene su mes curpa,den santificacion y honor, no cu pasion di deseonan carnal, manera e paganonan, cu no conoce Dios.( 1 Thesalonisensenan 4:3-5).

Hopi hende no ta altura cu diabel ta un ladron, un mentiroso, un atracador, ora un hende mester saca riba di mil florin pa su libertad, pa e no bay sera, pa motibo di bebemento y bringamento durante parada di carnaval, e persona ey mester sa cu ta diabel ta hortando su finansas, pa motibo cu e a trose e berdad di Dios y no a respecta Dios, y esey ta su cosecha di su mal conducta.

Dios tene misericordia, pasobra e scuridad tin hopi wowo tapa y hopi mente cu mester ricibi claridad.

## Paga bo cuenta online ta facil

Sea  
Abonnement  
of Aviso

Pago online,  
facil y lihe

**SOLO**  
Di Pueblo

Pa hasi pago online pone number y adres na  
cuenta di banco RBC Sunmax Printing  
account # 7700000100152447

## Oracion di dia

**Un feliz dia yena di hopi fe y speransa  
den nos bon Dios**

"...sino conta e generacion venidero: esta gloria di Señor, su poder, ye cosnan milagroso c'El a haci." ( Salmo 78, 4bc)  
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)  
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.